



## Kanoana

<i>Te Kamauri</i>	1
<i>Kaongora mai iroumi</i>	2
<i>Te Reirei</i>	10
<i>Ana Tangira Te Uea</i>	10
<i>Tataro ibukia Tama</i>	14

“..te Ririki ibukin te  
Onimaki are e a tia ni  
baireia Tamara te Bobe  
ba e na moanaki man  
Okitoba 11, 2012 ao n  
toki n Nobemba 2013.

Kiribati Catholic  
Charismatic Renewal  
Service

Ibukin am rongorongo, taiaoaka reitaki ma  
Uriam Timiti, Beneteta Raobati ao Kautoa  
Tonganibela.

Phone: + 679 3385364  
Fax: 555-555-5555  
E-mail: timiti\_u@usp.ac.fj;  
bene\_raobati@yahoo.com.au  
kautoat@yahoo.com

## Te Kamauri

Nakoia Tarira ma Manera ni kabane n te charismatic, Mauri n Ana Tangira te Uea, E kuku-rei te NSC ao te botaki charismatic iaon Kiribati ni manga karokoa iroumi n tai aio ana baintangira te Uea nakoira ae kakawaki ae bon Emmanuera No1 inanon te ririki aio, 2012.

Bon te karautaeka ae batu nakoia ara taan wareware ibukin iremwen otinakon Emmanuera inanon te ririki aio. Aio are e bon reke man aki taun taian kanoa mairoura n aron are ti tataneiai iai mai imaina. E ngae n anne ao bon te karabaraba ae moan te batu nakon te Uea ngkai e a manga kona n otinako Emmanuera n te tai aio. Ti kakoaua ba E roko ni maiu te Atua ibuakora n ara tauraoi ni karaoi tibangara aika ti tia ni muiokoaki iai inanon ara Ekaretia ao n ara botaki ni charismatic iaon Kiribati.

N te tai aio ao e kan reitaki ma ngkami Emmanuera ni kananoi riki ara Onimaki ni Kirtian ao ni Katorika ba reitan te Ririki ibukin te Onimaki are e a tia ni baireia Tamara te Bobe ba e na moanaki man Okitoba 11, 2012 ao n toki n Nobemba 2013. Bon aio te tai ae kakawaki ibukira ni kabane ba ti na kananoi ara atatai iaon ara onimaki ao mani kona n tataekinna ao ni maiuakinna ba kanga e na reke ba te ota ni kamaiu ibuakon te roo. Aio naba te tai ae weteira iai te Ekaretia ba ti na karaoi ara motinnano aika raka ibukin aron kaotan ara onimaki. Inanon kaukan te ririki aio iroun Tamara te Bobe ao e muiokoira iroun Tinara Nei Maria ba ngaia ae na reireinira arora n onimaki ao ti na karaka tataroakinan te korona ibukin kari-kirakean ara Onimaki. Te tia kairira ao ni kakoroi bukin ara kantaninga ni kabane bon te Tamnei ae Raoiroi.



Irariki anne ao e boni kukurei naba Emmanuera n anga ana kamauri ao ana katerkeraoi nakoia ara tia wareware ni kabane inanon te Kiritmati ao te ririki ae bou. Ti na katurua taran Nei Maria ba ngaia ae na rereinira ao n anganiira kukurein ao kimareirein bungiakin Natina ae Iesu te Tei ibuakora ao e na kairira inanon kawain Natina inanon 2013.

Te kaitau ae moan te batu n taian ibuobuoki ao tataro are ngaia ae a tia n anganira te tokanikai n otinakon Emmanuera n te tai aio.

Kaukan ana office te Kiribati Charismatic ae boou n ana Headquarter te

Katorika i Teaoraereke, 14th October 2012



Koa tia ni manga noora riki ara website n te tai aio? <http://www.kccrs.org.ki>



## Kaongora mai Irouumi

**Ana Waaki te Botaki n Tataro ma i Eita,  
Bikenibeu Parish,**

**N. Beia Tiim ma i Eita, St Maria Charismatic  
Renewal Service**

Kam na mauri tariu ao maneu inanon te Toa ae Kakawaki irouua ae Ruon te Tamnei ae Raoiroi.

I kukurei n kaongoraei ngkami te waaki man ara kaawa ae Eita ni moa man Ruon te Tamnei ae Raoiroi n te ririki ae nako ni karokoa manga ruon te Tamnei ae Raoiroi n te ririki aio. Banara n katituaraoi nakon te Uea ibukin ana tangira ao ana buoka aika bati nakoia kain ara botaki n tataro, ao ai moarara riki nakoia kain ara kaawa ae Eita, ni moa mairouia ara berebitero, katekiti ake a tia ni buobuokira ao ai ara katekiti ae Terikaua ma buna ae Ateti, ara Tia Babaire n ara kaawa ae Kaiboa ao kainnaba ae Mariateretia, ma kain aia taibora ibukin kabutan ana waaki ara Ekaretia n ara kawa inanon te tangira ma te reitaki.

Aikai rongorongan ara waaki tabeua.

Nikiran ana tangira te Uea irouia tan babaire iaon ara kaawa ae Eita.

Katabeara ni moan te ririki aio iroun Tia Babaire n te aro iaon Eita ae Kaiboa ba a na kawaraki mwengaia tan kairiri n te tataro n nebonebo ao ni kakorakora nakoia tan babaire. E moanaki moa man mwengan te Tia Babaire ae Kaiboa ma buuna ae Mariateretia, imwina e a manga kawaraki mwengan te Kauoman n Tia Babaire ae Toto ao buna ae Miita ao imwina n mwengan te Tia Mwane ae Kamwatie ma buuna ae Miita, ao ai te Tia Koroboki ae Teata ma buuna ae Naomi. E aki toki nanon te Tia Babaire ao e a manga tua ba a na manga kawaraki tan babaire inanon makoron Eita ake aua ao ti kukurei n taekinna ba a bon bane n kawaraki ao man nikiraki ana tangira te Uea inanon te nebonebo ao te katoka-bai. Ti katituaraoa te Uea ba E bon riingia ma aia utu ao kain mwengaia inanon aia tibatiba ao aia tataro n katituaraoi.


**Reken taian Takaramentu ao te Kainaomata irouua kain ara botaki n tataro**

Ti katituaraoa te Uea ibukin reken taian takaramentu irouua tarira ao manera ake a bon tia n mena n aaro n kamatu tabeua. Teniman ake a babetitoaki, aman ake a moan-kununio ao temanna are e butimaea katabuan

ana mama ni mare ao n reke irouua te Takaramentu ae te Eukari imwin kitinan te aro n Katorika irouua inanon te maan ae e a kaan uabwi te ririki. A bon tia naba ni kauki nanoia ao ni butimaea kainaomatakin te Tamnei are Raoiroi ara ataei n aine ao ataeinimane ae e nakon tengaun matia. E na neboaki mani kamoamoaki te Uea ibukin ana akoi nakoia tarira ao manera ake a riki ni koaua ba raora inanon ara onimaki ae ti teuana.

**Te kurubu  
n tataro ae Ueen te  
Rotario**

Ti kaitaua te Uea ni marurungia kain ara kurubu ni kaura -ai ae Ueen te Rotario n aia tataro n nebonebo ao n




rotario. E noraki uan aia tataro ibukia aoraki, ibukia taani betinako, kain te Purikatorio ao ibukin te raira-n-nano. E na neboaki te Uea ni Karangaan ana kamaeu ma ana nanoanga n uan taian tataro rinanon tinara Nei Maria ma iriana ara tataro nakon tinara Nei Maria ibukiia kurubu ni kaura-ai ni kabane ba e na kateimatoa marurungia n kaura makaa ain ana tangira Atiniban natina ae lesu ao ni karokoa Uean Natina inanoia ana botanaomata.

Ti karaba te Uea ba e a manga tei ara kurubu n tataro ae St. Agnes Prayer Group, bon te kurubu n roro n rikirake. E kaania uangaun kaina n ikotaki ma aika a boou ao a tabe ngkai n waaki inanon te Maiu ae Onrake n te Maiu. A bon waaki ma n irira te nebonebo ao ni katoki aoraki ao ma n tararuaki irouua te kurubu ake a ikawai.

N tokina ao bon te bana n katituaraoi nakon te Uea ibukin kanoan te ririki aio are ti a bane n tia n toua mani katonga rinanon taian kukurei, mamara, rawawata ma tabeaianga inanon ara kaawa, n ara botaki n tataro ao inanon ara utu.

Ko raba te Uea, ko na neboaki ma n kamoamoaki n aki toki!!!



**Ana Ribootin Santo Bauro Charismatic , September 2012.**

**Simon lotia, Chief Leader, Kiritimati**

Ti bon reiti banaara n te tai aei ni karabaraba nakon Te Tamnei Ae Raoiroi ibukin teimatoan ana kakamakuri inanon ara bootaki nako iaon abara ae Christmas. E raba Te Uea.

Inanon te namakaina aei ao bon iai ara Course are a tia ni kainaomataaki kaaina.

Ti bon neboa Te Uea ibukin raonakia kaain ara Course ao n reitaki ma ana kairiiri are e a bon tia n raoniia naba iai taan kaira te Course. Bon tii uoua ara kaawa are e waaki te course iai ba London are kairaki iroun tarira ao manera ae Neiti ao Taboua, ao Tabakea e kairaki iroun tarira ao manera ae Tekaeko n raonaki iroun Simon (Chief Leader). E bon moanaki te Course 27/08/2012 ao ni bongin te namwakaina ae

30/09/2012 ao a reitaki kaain ara bootaki ibukin te tataro ni bubuti kainaomataakin Te Tamnei ae Raoiroi irouia tarira ao manera aika boou aikai. E karaoaki te kainaomata n te kaawa ae Tabakea n 2PM n te Umantabu ao n rimuiak ma kanoan te Maneaba. Maitia kaain te course n te tai aei bon 7 mai London ao 7 mai Tabakea.

Ana tangira Te Uea n te tai aei ae namakinaki bon te ingainga n nano irouia kaain te course ao bon te tauraoi ni koaua ni butimaea kainaomataakin te Tamnei Ae Raoiroi inanon maiuia.

Ti bon karabaraba naba nakon Te Uea ibukin ana babaire are e raba mai iroura are e na reke kaaiteboakira ma tarira ao manera ae Kautoa T Taam are e a manga uota te korakora nakoira ngaira kaain Santo Bauro Kiritimati Charismatic.

Rokon Kautoa ibuakora bon te kakukurei teuana nakoira inanon te namakina aei. E bon reke ara tai n neboneyo ma ngaira ao e kababarai naba baika a riki ngkai i Tarawa. Ti bon neneboya te Uea ibukin ana aomata are e a tia n oti mamakurina inanona. Uotan Kautoa nakoira bon te Rau n nano, te korakora ao te kukurei. Inanon tain ana tibatiba a bon maiti naba ti-bangara ake ti a kona ni karekea man ana ti-batiba.

E neboneyo Te Uea ibukin te maiu are ea manga bon kaoniira iai man kamatoa inanora n tatabemaniira nako. "E raba Te Uea!"

#### Aron te Waaki

Ti bon karabaraba nakon Te Uea ibukin koron bukin te babaire ibukin te boowi n leaders ba e bon teimatoa ni booboo n taina are baireaki.

London:- Ti karaba Te Uea ibukin te marurung inanon ara kaawa ae London. E teimatoa ao e korakora te reitaki i nanon te kaawa aio.

Tabakea:- E nang tamara aron aia waaki kaain te rororrikirake n te kaawa aei ao ti bon karaba iai te Tamnei Ae Raoiroi. Ibuak ngkanne te bootaki n ikawai ao bon iai nooran te bakabaka n aia reitaki. Ara bubuti ao ara tataro nakon Te Uea bwa E na buoka teitera aei ao ni kamarurungna riki.

Banana:- E tuai man kawaraki iaan katabetabe aika maiti. Kam kona n noora kawarakin Banana n minitin te boowi n leaders, are e na karaoaki nakon moan te namakaina ae na roko man te Tiim are kateaki man te Taibora n Nuuka. Ara bubuti nakon Te Uea ba e na bon raonii kaain te Tiim are a tabe ni kakatauraoi nakon te mananga.

Poland:- Bon iai naba te bakabaka naba nakon aia waaki ao a bubuti naba manga kawarakiia man te Taibora n Nuuka ke te Tiim ni Kamarurung.

Ibuak te namakaina aio ao bon ara bubuti nakoimi kaain te NSC ba kam a ururingia ara Leaders iaon abara aio n ami 15 ni miniti ba a bia noora riki kakaawakin te muioko are a bon tia ni we-teaki nako iai. E riki te mamara ao te bakabaka n te tai aio ba e bon aki tau korakor te leader inanon ana kaawa.

#### Ana Aobiti St Bauro Charismatic ae bou

N te tai aio ao bon iai ngkai ara office ae mena ni mwengaia kain ara Charismatic iaon te kaawa ae London. I nang karabwarabwa nakon te Uea ngkai e kona ni boutoka ara iango aei are e oti n ana kariaia Fr Bwebwenta ibukin kate-an ara office. E na bon karekea n nena inanon te O I London ngkana e bon tia raoi ana katabe ibukin te Katabu.

Taben te office ngkai ae waaki iaona bon boretian booki n Tataro ibukia kain Kiritimati, Tabuaera ao Teraina. E katauraoi naba beba ibukin ana waaki St Paul Charismatic n aron minitin te boowi ao reta tabeua ibukin Tabuaeran ao Teraina ao te riiboti nakon te NSC, irarikin naba anne ao bon te kaboinakoi birim aika tamnein te aro ibukia Kiritian ni Katorika iaon Kiritimati. Man waaki aikai ao ti bon teimatoa ni karaba te Uea ba e bon raonira ni makuri ara bai ni kabane inanon ara office. Teuana naba mai buakon tabena bon te katauraoi birim ibukin kawarakin kaawa iroun te botaki ni Charismatic ao e kababarab te tamnei nte taetae ni Kiribati.

E kammakuraki ngkai te aobiti aio mani mwengaia Timan T Kaiteie ma kainabana.

#### Ana waaki tabeua St Bauro Charismatic, i Kiribati

Ti reitaki ni karabwa te Uea rinanon ana aomata ae Akorita Tebwanako Savili ibukin buukan ara katauraoi imwain ara Toa ae Bentekota. Ti bon kakioa te kaawa ae Tabakea ibukin ara rereua ni katauraoi ao ni kamarurung imwain Bentekota. E moanaki te rin ibukin te rereua man te moanibong 21/05/2012, ao e moana ara rereua te Akorita n te Katenibong ae 23/05/2012. Maitia tarira ao manera ake a raonira nte rereua ao te reirei bon 28.

#### Bentekota 27/05/12


E moanaki nte Tutia inanon kaawa nako ao e kakioaki Tabakea nte aoa 2.00pm ibukin te Nebonebo, Te Kainaomata, ao n reitaki ma kainakin te Rereua. Bon iai teniman tarira ao manera ake a kainaomataki nte tai anne, uoman aine ao temanna te teinmwane ake a tauraoi ni butimaea kainaomatan te Tameni ae Raoiroi



*"Ti bon reiti  
banaara n te tai aei ni  
karabaraba nakon Te  
Tamnei Ae Raoiroi  
ibuak teimatoan ana  
kakamakuri inanon  
ara bootaki nako iaon  
abara ae Christmas"*



*“....e bon karekea te  
korakora ao te  
marurung imain ruon te  
Tamnei ae Raoiroi  
iaora”*



irouia. E kairaki te Nebonebo ioun Tarira ao Manera ae lan Namakin n raoranaki ioun Tiibi Riita ae Taburuea.

Ti karabaraba te Uea ibukin menan Tarira ao manera ae lan inanon wikin Benetekota. E raba te Uea. Menan lan irarikira e bon karekea te korakora ao te marurung imain ruon te Tamnei ae Raoiroi iaora. Tibangara ake a reke mai irouia tarira ao manera aika lan Namakin ao Akorita Tebanako Savili a bon riki ba tauraoira ni butimaea ruon te Tamnei ae Raoiroi iaora n Bentekota.

#### Kanoan te Maneaba.

E wakinaki man katean te taibora ae boou ao rimuiai ma tibatibaan ana tangira te Uea irouia kain te botaki. Kain te taibora ae boou

Tiibi Riita	- Simon Tuen Iotia
2 Tiibi Riita	- Betero Tekinano
Tia Mwane	- Karaitia Motiu
Tia Koroboki	- Nenebo Benetito

E kairaki kanoan te maneaba ioun lan Namakin ao Chaplain Vicent Teitia. Maitia tarira ao manera ake a raonira n ara bong ae moan te kakawaki aei bon 37 (teningaun ma itiman).

E kainaki nte amarake ao e bara nako te botaki 7:00pm

*Minitin ana moan boowi te Tiibi Riita ma kain ana taibora 02/06/2012*

Aika roko	- Akorita Tebanako Savili.
Tiibi Riita	- Simon Tuen Iotia
2 Tiibi Riita	- Betero Tekinano
Tia Mwane	- Karaitia Motiu
Tia Koroboki	- Nenebo Benetito
Aki roko	- Katekiti Vicent Teitia

E kaukaki nte tataro ioun te Tiibi Riita. E maroroakinaki te onono nakon tein te taibora nte kaawa nako. E tabeka ana katamara te Tiibi Riita ibukin taiboran kaawa ba a na kainaki ioun te Leader, ana kauaman ao ai te bureitiman. Te moan Leader e na karaoa uoua te tibanga inanon ana kaawa ba te Leader ngaia ao e na kawakina naba manen ana botaki. Te kauoman e na buoka te moan Riita ao e na taua mwiin manen ana kaawa ao te miniti naba. Te bureitiman ngkanne bon buokaia Riita n kaawa ni karorokoa te rongorongo nakoia kain aia botaki. Taan tei ibukin kaawa nakon te boowi n riita bon te Riita ma ana kauoman man kaawa nako. E nako te kaoti nano iaon te onono aei ao e baati te kaoti.

Bairean te kabanemane ibukin te Kirimati Charismatic iaon mamananga ni kamarrung, boon booki ma baai n tataro e na bon baireaki man te boowi n Riita ao tiaki man kaawa.

Manen kaawa nako a na bon riai ni uoutaki nakon te boowi n Riita ao e na roko iaiinanon bain te tia mane nte Banin.

E bubuti Chaplain Vicent ba taan kaira te kooti a na aki rineaki man kaawa ba a na rineaki man te taibora are i nuuka ian noran raiaina ibukin karikirakean te waaki ni Charismatic. E baati te kaoti.

E bubuti naba te Akorita ba e na bon riai ni iai aia boowi kain te taibora nuuka imain aia boowi ma aia riita man aia kaawa nako. E na kaainaki te boowi aio ioun te Akorita, Chaplain, Tiibi Riita, Kauoman Tiibi Riita, Tia Mwane, ao te tia Koroboki. E baati naba te kaoti aio.

E a bane kanoan te boowi ao ni kainaki ioun te Kauoman Tiibi Riita.

#### Riibotin London

E kaukaki n te rereua ibukin te kakorakora ao te kamarurung nakoia kain te Charismatic London imain katean aia taibora ae boou. E kairaki te rereua ioun Akorita Tebanako Savili n raonaki ioun te Tiibi Riita ma kain ana Taibora, Kanimabong 1/06/2012.

E kateaki aia taibora ae boou nte Tabati 03/06/2012 e moanaki man te nebonebo n te Umantabu ao ea baroakinaki naba te maneaba ibukin te rinerine. E kairaki kanoan te bong aei ioun Tiibi Riita. Kain te Taibora ae Boou (Maitia ake a roko bon 21)

Leader - Bakie

2 Leader- Mikaere Tabakitoa

Bureitiman – Taburuea

E waaki te Taibora ae boou aei man te wiki are imuina ni buti n nebonebo ian mwengaia kain te Charismatic iaon te kaawa aei. A nebonebo ni katoa karangaina ni karokoa te bong aei 24/06/2012.

Imwin katean aia taibora kain te kaawa ae London n aia mwaiti are 21 ao nte tai aei e a roko aia mwaiti n te mwaiti ae e a kania angaun tabun, mai buakoia ao bon iai 4 aika a tiba ira te waaki ni Charismatic ao a kakatauraoia ngkai, imain aia kooti are e nang tauraoi ni moanaki. E raba te Uea ibukin te korakora ae e a baro iaon ara kaawa aio. E raba Te Uea.

#### Riibotin Tabwakea

Imwin ana boowi te Tiibi Riita ma kain ana taibora are boo n 02/06/2012 ao e moti ba e na riai ni kawaraki Tabwakea nte Tabaki ae 10/06/2012 ibukin katean ana taibora. E aki bai anne ibukin kangabuaka ao kataketabe aika karia. E teimatoa Tabakea n tararuaki ioun te Tiibi Riita ma ana kauoman kioina ngkai a bon mene kaawa anne.

Imwin au nebonebo ni kamarurung ma kain au kaawa aei are ti boobia nte Umwantabu ni katoa tairiki ao bon iai 5 maitia ataei aika airiri ara nebonebo. Teuana te wiki imwin ara moan waaki ao rikirake ni maitia ataei ake a rereitira n ara nebonebo ba e a roko ni uangaun. I a bwenauna ngkane te nebonebo ni ouu ba te moan nebonebo aia nebonebo ataei are waaki man te aoa


7:00pm, ao te kauoua aia neboneyo ikawai ngkana e bane aia neboneyo ataei.

Tao bon teuana au wiki ni waaki ma ataei aikai ao I a rinea naba teniman mai buakoia kain ara botaki ake ikawai ba ana waaki ma ataei aikai. Temanna bon te unaine ao uoman ataeinimwane ake a buokia ataei aikai n tibatiban ana taeka te Uea ao reiakinaia te waaki ni Charismatic.

N te tai aei ao e roko aia mwaiti n te mwaiti ae angaun tabun. Aia ririki ataei aika e moa man nimaua te ririki nakon tebwi ma nimaua te ririki.

E bon kamanga te moan waaki ma ngaia ba are bon iai ibuakoia ake a bon nang nanoro, ma inanon au tai n mamaroro ma ngaia imwin ara neboneyo ao I kataia ni karina te reirei irouia are lesu e bon mena ibuakora ngkana ti neboneyo.

Iesu bon te tia tararua maeura n taaina-ko ao ngkana ti kume ngke ti takakaro n tain te neboneyo ao Iesu E a bon tang naba ioura. E raba te Uea ba e bon makuri irouia ataei aikai. Nte tai aei ao ti a bon kona n noria ba a bon kamatui mataia ao n aki kume ma i moan te neboneyo ni karokoa tokina. E raba te Uea.



Katean taiboran Tabakea ae boou nte Katenibong 20/06/2012. Ti kakioa te Umantabu nte aoa 7:00pm ngaira ikawai ao ataei ibukin ara neboneyo n reitaki. Imwin anne ao ti a baro nako naba ngaira ikawai nakon ana auti Katekiti Vicent Teitia ibukin rineakia kain ara taibora ae boou. Maitia ara koraki ake a roko nte tai anne bon tengaun ma itiman.

1 Leader -Teutia Kimwaere

2 Leader - Barane

Bureitiman - Nakibae.

I maroro ma ara katekiti ae Vicent are bon ngaia naba ara Chaplin n ara botaki aei ibukin ae ti a riai ni katokabai iaoia kain ara taibora ae boou ao n reitaki naba ma bon kain ara botaki inanon ara kaawa aei. E raba te Uea ba e boutokaira te Chaplain ao kain naba te Botaki.

*Tabati 24/06/2012.*

Imwin baran te Tutia n au kaawa ae Tabakea ao I a ira Fr Bwebwenta Mikaere ni kakioa London, ibukin katauraoakia tarira ma manera mai London nakon ara tataro ni kakorakora nakoia kain Tabakea. I butia naba te tama n te tai anne ana kakorakora nakoia ma kain au Taibora ngkai e a kakatauraoi ni manangana nako Tabuaeran ao Teraina. E raba Fr Bwebwenta ba e kariaia ao e karaoa anne tao mwin 2 nte tanimaeao n taai nakoia ma kain au taibora. Ngke ti otinako man te Umantabu imwin ana tataro ni kakorakora Fr Bwebwenta nakoia ao ti kakioa ana auti ni maroro iai ma Akorita Tebanako Savili, ibukin baika ti na riai ni karaoi

ngkana e kitanira ma te Tama nako Tabuaeran ma Teraina.

E raba te Uea ba e moti nte tai anne ba tina mananga ni kaea Poland nte weekended ae na roko ae 29/06/2012 ibukin katean aia Taibora ae boou kain te kawa aei. Tan mananga bon Tiibi Riita ma kain ana Taibora. Ibukin ngkanne te kaawa ae Banana ti na bon mwakuriia imwin bobongan te taibora ae boou i Poland. Bon iai te rereua ae e na karaoki nte kaawa ae Banana n oki te Tama ma te Akorita ma i Tabuaeran ao Teraina. Te rereua aio e na bon kaineti ma te botaki ni Charismatic ae banin iaon Kiritimati. E bara ara maroro aio ao ti kakioa Tabakea ibukin te tataro ni kakorakora are e na karaoki n te kaawa aio.

A babane raoi tarira ma manera mai London ao Tabakea nte Umantabu i Tabakea tao imwin 6:00pm. Ti waakina ara neboneyo ni kakorakora 6:50pm ao ti baranko 8:00pm. E raba te Uea ngkai e a bon tia ni kakoroi bukin iango ni kabane ibukin Neboan arana ae moan te tabu. E raba te Uea.

#### **Rongorong man St Maria Charismatic.**

#### **Moarite Teiti, St Joseph Parish, Bikenibeu**

Kam na mauri inanon ara toa ma ngkami ae moan te kakawaki ae Bentekota ae e a uakaan aio!! I a tabeka banaau ni karaba te Uea ae Maiu n aron ana kakawakin ae moan te batu nakoira n aron raonakira ma kawakinara iouna ma n te Bentekoa ae e a uakaan aei. E raba te Uea n ana tangira ae batu.

N te tai aei ao I karaba riki te Uea n ana tangira nakoia ngkai e kona ni karekea au tai ni kaongorai ngkami, rongorongan ana waki St Maria Charismatic ma i Bikenibeu.

E bon teimatoa naba kain te botaki ae St Maria Charismatic ni kakaraoa aia "weekend" ma lesu inanon te Moan Kanimabong. A momoana rinia imain te Tutia are a kauka naba iai aia reitaki ma lesu. Kanoana bon te neboneyo, te uatei n tantani imatan te Eukari ni karokoa a bane aia tei group aika a kakaokoro. N te Kaonobong imwin te Tutia are n te aoa 7.00 am ao a waaki nakon mweenga kain te kurubu n tataro ibukin nikiran ao karokoan ana tangira te Uea nakoia tarira ao manera ake a mena inanon te maiu n kukurei ni bain aonteaba. N te aoa 3.00 pm ao bon te aoa are e a baneakinaki iai karaoan te Bau n Nanoanga. Irian aia makuri anne, ao a kakororao aia waaki n te karemo n aron te moi ran ma te kariki. N te Tabati ao a kaina aia rereua n te neboneyo ao ai te tataro iaoia aoraki.

N te Kaonobong 5 November, 2011 are bon Kaonobong te Moan Kanimabong, ao e a nako aia kaitiaki ao katamaroan ana nei Tinara ae Nei Maria imuin ana anga reirei te Tama Tatieru Eventeang. Ti karaba tinara Nei Maria ba ma imuin te tai anne ao e a reitaki nako naba te katamaroa. E a manga roko te Tama loteba ma ana tiim ni kabenta n onei mwin kain tekateka timati ake a bong uruaki ao ni manga karaoa ae



*"E bon teimatoa naba  
kain te botaki ae St  
Maria Charismatic ni  
kakaraoa aia  
"weekend" ma Iesu  
inanon te Moan  
Kanimabong"*



boou are e a bon kakabonganaki ngkai.

#### Kawarakia Aoraki i Nawerewere

Ti a tabeka te banaa ni kakaitau nakoia tarira ao manera ake ngaia ake a katanea te maneka aei ma n karabata ana tangira nakoia aoraki rinanon ana karea te Tamnei ae Raoiroi ae te marurung ao te botumwaka inanon muiokoia ma katabeaia inanon aia waaki n tataro ma aoraki. E raba te Tamnei ae Raoiroi ba ti nora kororaoin ana tangira nakoia aoraki, ba e a reitinako aia waaki tarira ao manera ake anga ngaia ba a na riki ni koaua ba ana tabonibai te Uea aika moan te mangori. E noraki naba rokoia aoraki ni kaea te reitaki n nebonebo are e bobo ni katoa Kaabong n te o-n-aoraki ba e rikirake ni maiti kaina ao e noraki ba bon ringaki aoraki n te aro are a tatakarua n tang ao n nebonebo ma ni katituaraoi.

#### Te waaki inanon kaawa

Ti kokoaua ba iai ara kawa tabeua aika a rangi n marurung ao bon iai naba ara group aika a bon tabe naba n kekeiaki. E raba te Uea ba e bon teimatoa te reitaki n te Katenibong koraki inanon kaawa ake a maiu ao te katoki aoraki naba n taai ake a kainnanoaki iai te katoki aoraki inanon karokoan ana tangira te Uea irouia.



*"Ba I a bon  
bubutia naba Iesu man  
onimakinna ba E na  
bon katoka aoraki"*

#### Te Reitaki i Teaoraereke are e baireaki iroun Fr Koru

Ti karaba naba marurungin te Tama Koru ibukin kateimatoan te rereitaki ni bakantaa-in te Tabati, n te aoa 5.00 pm are a roko iai tarira ma manera man parish aika a kakaokoro, riki ngaira ake ti a roroko ma i Bikenibe. A bon rorotaki riki nanora n te Tutia n nebonebo are moan te Tabu ike ti a bon kakatiteuanaki iai inanon neboano Rabatana ao Rarana ae moan te Tabu, ni kaotan nanora ma banana n takaruaeaa neboana. Irarikin anne ao a bon rereke naba tibangara man ana Taeka te Uea are e kakamarakeira iai te Tama ba te rongorongo ae raoiroi ao man te katoki aoraki ike e a anga iai te takaramentu are kabiraia aoraki nakoia aoraki ake a kainnanoa te katoki aoraki

E raba te Atua n ana tangira ae akea tiana.  
**A L E L L U I A ,      A L E L L U I A !!!**

#### Te Weekend ma lesu irouia kain Teaoraereke Parish. Beneteta Raobati.

I kukurei n tiba ana tangira te Uea nakoimi tariu ao maneu man karakina rongorongon ara weekend ma lesu n te Kanimabong ae e nako. Ti tiku n aia maneaba ataein St. Louis i Teaoraereke.

Maitin ara botaki iaon Teaoraereke Parish bon tebwina ao ake a roko ni kaea ara weekend ma lesu n te bong aio ae Kanimabong 21 n Ritemba nakon Tabati 23 bon wanua. A aki reke rokoia kain Nanikai ao Tetaobe i Teaoraereke. Ti karaba te Uea n ana babaire aika a raba n tabetai mai ioura.

Bon iai ana tangira te Uea are I kan tibaia inanon ara tai ni katoka bai iaoia aoraki n tairikin te Kaonobong. Ti karaba te Uea ba e baireia ae n tokin ara tantani imatan te Eukari n te tairiki ae n te Kaonobong ao a roko naba tabeman aoraki ake a kan reitira n ara nebonebo man bubuti te katokabai iaoia.

N tain te nebonebo ao iai te namakin ibukin te kakorakoraaki ao ai ngaia are n tain ara nebonebo ao ai aron ae ti namakina te karongoa ae riaon ara kona. Bon moan te rebwe tau te nebonebo! N tain te katokabai ao a kerake aoraki ake a roko n ikotaki ma tabeman bon kain te botaki n weekend ake a kainanoa naba ana tangira te Uea.

Ngke e a moanaki te katoka bai ao e korakora te nano nikau nebonebo n lanena irouia te koraki ai ngaia are e a bon moanaki naba ma te nebonebo n lanena ae moan te takarua man karongoa n aron ae kanga e ironngga te karau. Inanon manga te anene ni kainaki te lanena arei ao ngke e toki akea ba e a manga rebwe tau nab ate lanena riki. Bon moan te kakaongora baa i aron ae moan te POWER aron te nebonebo aio. Ngke e toki ao e a manga kanakoaki te nebonebo n anene n lanena are irou ngai bon te moan tai n rinanon te makoro aio ae e rangi n reianako te kan anene n lanena. Ntokin te makoro aei ao ti a karaba nab ate Uea n ara anene are 'E tebokira raran lesu...'

N tain te tibatiba ao e tibaia tarira ao manera ae Mwaing ba iai te mane temanna ae e aki mena ibuakoia aoraki ba e noria ni katoka bai. Ma n ana noraba ao e a nor ate rara ae e a bwaro rikaaki man ana kawaerake teuiae ao man ranga nako aontano man neinei aana.

Ni kaekan te tibatiba aio ao e taku teuiae ba e kakoaua ae iai aorakina ae kanga e aoraki n aine are e reke irouna n wiiki aika a nako n aki rangi ni maan. E karaki teuiae ao aio ana karaki:

"N te moan tairiki teuana ngke I mena n te maneaba are lerutarem are makoron Teaoraereke teuana i marenaua ao akea ba I a kan nako naba taari.

Bon kain te Charismatic ngkai man te makoro aio ma I a bon tiba rin n ikainna. I a borake man nako tanrake nako Bikenibe ao akea ba I a toro iaon te bike man iangoa nakotaari. Ngke I tabeka matau ao I a nora te teeinaine ae tao tebwima ouua ana ririki n ruorikaaki nako aon te bike naba. E a bon bakatekeea aaba au tabo are I toro iai ai ngaia are I a bekorara man taku inanou ba tao e aki norai ma e n aonga n ataia ae I mena imwaina. I ataia ae e aki tabe ma ngai neiei ao are e a bon roko naba n toro I moau

man kaitaraai. E bon tau raroana ma ngai ai ngaia are I a baka noria man aki tatarai. Ngke I a tia ao I a teirake ni karina au kawaerake ao neiei e teirake naba ni katotongai.

E a rimoau ni waerake ao ngke I tarai a oI noria ae e a bonako man bua inanon te Tabo are a taku kain te makoro aio ba te nei ma I aki katabea nanou iai. I a okira te Maneaba ao are e a bon ro nte tai aio. I roko ao I a wene naba ao akea ba ngaia

I a baka naba ni matu. Ni matu ao I a namakina te maimai n au kawaerake ao I bukinia Ataei n te roro n rikirake ake bon raora ni kaina te maneaba ba a kabaroa te mooi ao are I a maimai iai. Moan te kubanako ngai ngke I a teirake ao I a taraa au kawaerake ao akea ba I a noria ae ai te rara! Man te tai aio ao I a bon kunea ae e a tinako te rara man au buakaka man aki reke kan tokina. E toki ao e amanga ti are e kona n tao bong ke uabong

Ao e a manga tii. Aei aoraki ae I waaki ma ngaia ao I aki waerake man tomaia aoraki I nuuka

Ba I a bon bubutia naba lesu man onimakin ba E na bon katoka aorakiu"

Ti karaba lesu n ana onimaki manera ao tarira aio ao ti kakoaua ma ngaia ba e na bon akoia lesu man katoka aorakina n ana tai ae E a tia ni baireia. E raba te Uea Alleluia!

ana ae E a tia n anganna te Uea ibukin ana botanaoamata. Ti bon karaba nab ate Uea n ana karea nakon te Tama Ikataere ae te nanorinano ao te ongotaeka.

Inanon naba te ririki aio ao iai kainaban temanna kain ara botaki ae a rairaki nakon ara onimaki ni Katorika ao e anganaki te moan komunio n te Tabati 28, Okitoba, 2012. Aran teuaei bon Kaitama Tebaiti ao kainaba are kain ara botaki bon Nei Takeiti.



### **Tamnein ana rereua NSC ma riita ao Fr Koru, n aia tabo taari i Lawvara**



#### **Ribooti man St Padre Pio, Suva**

#### **Uriam Timiti**

E kukurei n anga ana kanogra St Padre Pio nakoimi ngkami tarira ma manera ni kabane. Ti karaba te Uea inanon tibanaganra aika E a tia n aganira n te ririki aio ao riki ibukia tarira ma manera inanon ara botaki ake e manga anagira te Uea n te ririki. Bon iai kain ara botaki n te ririki aio aika raka ba tarira ao manera mai Rabi ao ai ataein te USP. Ti teimatoa ni kakaraba te Uea iroun te Tama Ikataere are teimatoa n riki ba te tia kaungaira ao ni kamarungira inanon ana kakaonimaki n irira ara nebonebo ao ana reirei nakoira.

Ti kukurei inanon namakaina aika nako ni kaitibo ma tarira ao manera mai Tarawa aika Nei Bneteta ao Nei Makiriti. Ti karabaia n te maiu ao te korakora are a manga anira inanon reitakira ma ngaia n ara nebonebo.

N tokin te namakaina ae Tembemta ao ti a bon karaoa ana ka 40 n ririki te Tama Ikataere inanon nakoana ni Berebitero. Kanoan te tai aio bon te Tutia ao imuina ti a bon katoka bai iaon te Tama ibukin ana kamaiu te Uea nakoina n aorakin are aorakin ana kidney. Bon iai tibangara ae anganira te Uea n te tai ni katoka bai ba noran kakawakin ana baintangira te Atua inanon te Nakoa ae Tabu. Ti namakina naba aron te Tama Ikataere n teimatoa ni kakoaua kakawakin nako-



*"Bon iai kain ara botaki n te ririki aio aika raka ba tarira ao manera mai Rabi ao ai ataein te USP"*



*"Te reitaki n nebonebo  
ni moan tabati koraki  
ni moan tabatin te  
namakaina ...."*

#### **Ana Ribooti Betio Parish, St Faustina Charistic Utimawa, St Faustina Charismatic. Betio Parish**

Kam nna mauri tariu ma maneu n ana tangira te Uea.

E raba te Uea ibukin teimotoan ana kakawakin ao ana tangira nakoira n tata-bemanira nako ae tia kona iai ni karaoi tibangara ao mwiokoara mai irouna ni mauira inanon ara utu, ara kawa ara tabo ni makuri ao ai moarara riki ara botaki ni charismatic. E raba te Uea..

Aio ana riboti te charismatic iaon Betio. Waaki aika a teimotoa kakaraokia; Nebonebo ni group ni katoa katenibong koraki

Te reitaki n nebonebo n te tabati koraki I bon irouia (Temakin irouna ao Takoronga irouna)

Te reitaki n nebonebo ni moan tabati koraki ni moan tabatin te namakaina ( Temakin & Takoronga) Iriana te katokabai ni kamarurung I bon irouia kain te nebonebo.

Kawarakia aoraki n te on-aoraki ni katoa tairikin te moanibong koraki.Kawarakia buure n te karabuti ni katoa kanonobong n te aoa uoua n te bakantai.

Iai makuri riki tabeua ake a kakaraoki ma tiaki ni katoa wiki. Kawarakia aoraki n aia auti e kona n tabetai n reke uoua nakon teniuia n te bongina ao e kona naba n reke uabong ke tenibong n te wiki. Tarira ao manera ni charismatic a kakao nab ate group ae uarereke ke te banin ibukin tangirakin ana tangira te Uea nakoia ba ana kamarurungaki ma kain aia auti. Tabeman a bon tangira neboan te Uea ibukin aia baka ke aia botaki teuana. Moan te maiti naba aika okioki n tangira kawarakia ibukin kanakoakin te taimonio mai inanoia ao man mwengaia. E ngae ngke a bon maiti tabera iaon Betio ao I bon reitai ma tariu ao maneu ni kabara te Uea ba e anganira te kekeiai ni karaoi ao ni katiai tibangara aikai.

#### *Kain te Taibora*

E karoaoki te rinerine n te Benetekota I Teaoraereke 27 Meei, 2012.

Chief leader – **Utimawa (Onean mwin Kautoa)**

Kauoman – **Nei Teara**

Tia Koroboki – **Nei Tekennara**


Tia mwane – **Nei Teramane ao Nei Linda (titebo aia bwi onean mwin Nei Molly**

Imwin te Benetekota ao a manga rinerine kain Betio. Aio mwin aia Rinerine.

#### **Santo Ioteba Group**

Leader – **Nei Tietara**

Taihan kauoman – Tabakai ao Kabuaua



#### **Tirotamteti Group**

Leader – Nei Teaira  
Kauoman – Toakai

#### **Santo Mikaere Group**

Leader – Mike  
Kauoman – Koreaua

#### **Te Itoinimarawa Group**

Leader – Takai  
Kauoman – Nei Anna

#### **Ueen Te Roti Group**

Leader – Nei Marao  
Kauoman – Nei Rikitaake

#### **Santa Maria Group**

Leader – Nei Taungare  
Kauoman – Nei Makeran

#### **Santo Ioane Group**

Leader – Nei Tabantia  
Kauoman – Nei Bwebwerekereiti

#### **Tiantaake Group Group**

Leader – Nei Makurita  
Kauoman – Mikaere

#### **Santo Kabiriera Group**

Leader – Nei Teemoa  
Kauoman – Nei Anna

#### **Santo Betero Group**

Leader – Nei Miriama  
Kauoman – Mikaere  
Tia Koroboki – Nei Teretia  
Tia mane - Ataieta

Santo Rabaere e tuai n rinerine ao e bon wenenako naba n tuai n reitaki n nebonebo ma imwin Benetekota. Ti kukurei n ongo ba a tia ni wakina aia nebonebo raoia tabeman n te wiki ae nako.

Santa Faustina Youth e tuai naba man rinerine I mwin Benetekota. Kaina ake bon te rororrikirake a maenako ao angina nte group ni ikawai.

Santa Philomena are te gruoun n ataei (Primary ao JSS) a rinea aia kauoman ae en Terinan. E bon katukaki riki aia Leader ae Nei Philomena iroun te Chief Leader ba ena taraia riki ataei n aron aia konabai ni waaki.

*Maitia aika a tia ni kainaomataaki*  
Iai aika a tia ni kainaomataki mai imwin te Benetekota ae nako n aron aei:

Santa Faustina -20

Santo Mikaere -5

Santo Betero – e tuai kani ngaun JSS (Tekennara) –tengaun tabun

Iai keraken maitia ara koraki ngkai a tia ni kainaomataki angaun tabun (40+). E ngae n anne ao e bon noraki nab ate mamara n taran te maiti ae e ira te reitaki n nebonebo.

**Tiim aika a kateaki**

A kateaki uoua tiim inanon September n te ririki aei. Tiim aika teuana ibukin te katoki aoraki ao teuana te tiim ni kamarurung. Onoman kaain te kamarurung, teniman mai temakin ao teniman mai Takoronga. Tabena e na kawari group nako ai moararariki group ake a mamara ao e na kataia naba n ana ibuobuoki te Tamnei ae Raori ni kautiia taria ao maneia ake a bon taonaki n te mamara. Kain te tim aei bon Kautoa, Marao, Tekennara, Teramane, Michael ao Utimawa. Uoua te tim ni katoki aoraki ba teuana Temakin ao Takoronga. Kain te tiim bon Leader ni kabana ao iai aia tiim leader. Ngkana iai te aoraki n te group teuana ae tangira akwarakina taben te Leader nte makoro anne ba e na kaonga te tiim Leader. Ngkana akea te team leader bon te group leader are ana aoraki te aoraki ae na teweia kain te tiim ao e na kaira wakin te tataro ioun te aoraki.

**Te tai ni katangitang**

Iai uruakina aingaia ae e wenakenko n tuai man ira te neboneybo. Tataro ibukiia Taan Tararuauia ba ana anganaki te marurung ni iangoa tiana.

**Tain te Bowi n Leader**

A baireia Leaders ba te Kaabong koraki are ni moan wiikin te namakaina. E kakaretabo bwa ngkana Temakin n te Kaabong aei ai manga Takoronga n te namakaina are imwina.

**Uotakin ana Tangira te Uea**

E moanaki uotakin ana tangira te Uea nakon autin Betio n te Kaonobong 27 Okitoba 2012. E karaoaki I Temakin imwin te Tutia are n te ingabong irouia tabeman kain te Charismatic ake a roko n te Tutia. E tuai bane autin Temakin. N te kaonobong are imwina ea manga wakinaki I Takoronga. A maiti riki ara koraki ba e reke nimaua te group ae kakateniman kaina. A mananga man Santo Bauro ao a toki n te MTC. E na manga wakinaki n te kaonobong ae na roko iwmin te tutia.

**Ana Tangira te Uea**

E batia ana tangira te Uea ae nonoraki irouia kain te group n neboneybo n aiaron ae a noria naba kain te group n neboneybo n aiaron ae a noria naba kain te group ataei Santo Bironina mai Temakin. Bon tenaan ataei ae man tebwina nakon uabwi te ririki. Aiaron ae a neboneybo n te bong aei ao n noori tamnei I tinanikun te auti I aan tano ni koonan te auti n tanimaeao. Uoman ataei aika a noori baai. Teuare temanna e nor ate bai (gloves) ao kanga te irannatu I aan tano ni koonan te auti I tanimaeao. Neiere temanna e nor ate auti-ni-baa I aan te uma n amarake. Tabebong imwina ao la iriia ataei n neboneybo n te auti arei. Imwina I kanakoia ba ana kenii baika a noraki. A keniken man tao iteran teniua n te bakantaa ni karikoa te aoa onoua n te tairiki. E batia te noo bwa te mimi aoi te kan ngare naba ao ni kakoaua ngkana iai baika a kuneaki. Aki roko ataei ake aia tamnei ma a bon keniken raoia n aron aia atatai n te tabo are a taekinna uake taan noori bwai. A rangi n nano aia maroro bwa tao tebwenua te ikawai. E taku teteimane temanna ae manging (bon kain te auti). "Ngkana akea te bwai ae reke ao la kakaraengkami ataei".

**Tain te Bowi n Leader**

A baireia Leaders ba te Kaabong koraki are ni moan wiikin te namakaina. E kakaretabo bwa ngkana Temakin n te Kaabong aei ai manga Takoronga n te namakaina are imwina.

**Uotakin ana Tangira te Uea**

E moanaki uotakin ana tangira te Uea nakon autin Betio n te Kaonobong 27 Okitoba 2012. E karaoaki I Temakin imwin te Tutia are n te ingabong irouia tabeman kain te Charismatic ake a roko n te Tutia. E tuai bane autin Temakin. N te kaonobong are imwina ea manga wakinaki I Takoronga. A maiti riki ara koraki ba e reke nimaua te group ae kakateniman kaina. A mananga man Santo Bauro ao a toki n te MTC. E na manga wakinaki n te kaonobong ae na roko iwmin te tutia.

**Namakinan ana Tangira te Uea**

E batia ana tangira te Uea ae nonoraki irouia kain te group n neboneybo n aiaron ae a noria naba kain te group n neboneybo n aiaron ae a noria naba kain te group ataei Santo Bironina mai Temakin. Bon tenaan ataei ae man tebwina nakon uabwi te ririki. Aiaron ae a neboneybo n te bong aei ao n noori tamnei I tinanikun te auti I aan tano ni koonan te auti n tanimaeao. Neiere temanna e nor ate auti-ni-baa I aan te uma n amarake. Tabebong imwina ao la iriia ataei n neboneybo n te auti arei. Imwina I kanakoia ba ana kenii baika a noraki. A keniken man tao iteran teniua n te bakantaa ni karikoa te aoa onoua n te tairiki. E batia te noo bwa te mimi aoi te kan ngare naba ao ni kakoaua ngkana iai baika a kuneaki. Aki roko ataei ake aia tamnei ma a bon keniken raoia n aron aia atatai n te tabo are a taekinna uake taan noori bwai. A rangi n nano aia maroro bwa tao tebwenua te ikawai. E taku teteimane temanna ae manging (bon kain te auti). "Ngkana akea te bwai ae reke ao la kakaraengkami ataei".

E a tiba roko teuare e nora te bai (gloves) ngke a manga bara nanoia taani keniken. E aki tabara ngke e roko e ti kangai "Ikai kena aei". Ngke e kenaki ti teuana te buti (1 foot) nanoa. A reke ti bai (gloves) ao te kabatinou ae a mmammanako. N taran te kabatinou ioun te teinimane aei a ana tamnei kanga te irannatu ae roro. Akea kanoan te keniken are teuana ao e bon aki roko te teinaine are ana tamnei. A oki nanoia kain te auti ngke a reke baai aikai bwa are a bon tangira kanakoia man mwengaia. A kukurei naba Katorika ake a matakua. Ti a karaba riki te Atua bwa e bon kaota makana ao ana kamimi n te mwenga aei ao n te tai aei rinanoia ataei aikai.

A nikiri bwai ataei n au auti ba I rimoaia ni kaea te Tutia. A kaongoai imwin te Tutia. N okiu ao la kabuoki ma nneia te baei I akun umara.

E raba te Atua - Alleluia



*"A oki nanoia kain te auti ngke a reke baai aikai bwa are a bon tangira kanakoia man mwengaia"*



## Te Reirei

### Te Maiu ni Kiritian

E anaaki man "Irian te Maiu ae Onraken te Maiu"

Ngkana ti kan rikirake I nano te maiu ni Kristian ao ti riai ni maiuakini baika a aranaki ba te maiu ni Kristian, ba ti aonga rikirake I nanona. Bon te kawai ae moan te raoiroi ba tin a maiu iai kioina ba e kateimatoaira n taua bukin te Uea I nanon ara tai ni maiu. Ao moan te raoiroi naba ba e kakairira maiura ni kaetietira nakonte maiu tamnei.

E kona ni jangoaki te maiu ni Kristian ba kanga te wira are e kabutia. Mronronin te wira e kaikonaka aron maiun te Kristian ni katoabong. Katironron te wira e kaikonaka aron maiun te boto ni korakoran te wira are e kabutia. E taua rabatan te wira. Ao nukan te maiu ni Kristian boni lesu. I bukini kabutan te korakora ke karoana man te katironron are i nuka nakon te wira, ao a riai n reke ngkanne taiani ngaongao. Ao aikai ngkanne nngaongaon te maiu ni Kristian - te tataro, te reirei, te makuri ao te bobotaki n iraorao. Boni baikai alka a kanima maiura ae banin ma Kristo, n te aro ba E na kona ni bita teina ni makana ao ni kawaina.

Ti na tara moa te Tataro ao taian Takamentu n te tai aio. Te tataro ae te kabanea n raoiroi bon te Tutia are ti reitaki iai n te aro ae moan te kamimi ma te Uea. Ao n taian Takamentu nako ti reitaki iai ma lesu ma n anganaki te korakora i bukin maiura ni Kristian. Ma irarikina ao ti bon riai ni bairea ara tai are ti na kabanea ni bobotaki iai ma te Uea "n ti ngaira uoman" n te tataro ni katoa bong. E bon aki kona n rikirake iroun te aomata tatangiran raona ngkana tao e aki manga bobotaki ma ngaia. Ao ngaia anne bukini karekean ara tai n tataro ba ti na karikirakea i nanon te bobotaki ma te Uea tangirana. Ao boni mani bobotakira ma Ngaia ao ti kakorakoraki iai.

Ti riai ni kariaria te Uea ba E na taetae ao E na kaota ana iango ao arona nakoira. E na ti reke anne nakoira ngkana ti tataneai iai n angan te Uea ana tai n taetae. Ma ngaia ae e bon aki tau ngkana ti babaina te tataro ae ti te korona. Ai raoiroira ngkana ko katoa bong ni korona, ke tao e na bane iroum te Rotario. Ma ko na kainanoa ni katoa bong i rarikin te Korona teutana man ana Taeka te Atua ae ko na iangoia ma ni kawakinna iroum n ai aron Nei Maria.

Ti a manga kaboui maiura n tataro inanon ara charismatic riki ni manga kamarurunga ara '15' ni katoa bong. Ti a manga reita te reirei aio nakon Emmanuera ae na imuina.

Mauri tariu ao maneu n ana tangira te Uea ae Maiu

Ngai Antin Berenato temanna te aoraki ae I aki kona te nakonako. I rin n te onaoraki i Nawerew-

ere ao I a mena ni maneabaia aoraki i Bikenibeu n te makoro ae Tebonnano. I ongo aia tai n tataro ma aoraki kain te botaki ni charismatic ae te Tabati imwin te Tutia n te umantabu. I kokokaki n te wheel chair nakon te umantabu ibukin kainnanoan buokau mairoun te Uea. I karabwa lesu ae maiu ni koaua inanon te Eukari ba n te bong ae te Tabati 7 n Aokati 2012 are I a bubuti iai buokau n te charismatic are I a uotaki iai nakon te umantabu ae Santo Ioteba i Bikenibeu imuin te Tutia. Inanon te katokabai i aou ao e rotai te tangao e ruru nanou ma I rang karaba te Uea n ana tangira ba E a tia n ringai ni makan baina ao ni manga kateirakeai ba Nna nakonako naba n te Moanibong 8 n Aokati 2012 ni karokoa te tai aei ao e tabe nabi n rikirake te marurung.

Boni banaau ni kaitau nakoia kain te charismatic i aon Bikenibeu ngke a tia ni butimaeai ni buokai nabi n aoraki ae taonai aei n aia tataro.

E raba te Uea n ana tangira.

## Ana Tangira Te Uea

**Antin Berenato, temanna te aoraki i Nawerewere**


Mauri tariu ao maneu n ana tangira te Uea ae Maiu

Ngai Antin Berenato temanna te aoraki ae I aki kona te nakonako. I rin n te onaoraki i Nawerewere ao I a mena ni maneabaia aoraki i Bikenibeu n te makoro ae Tebonnano. I ongo aia tai n tataro ma aoraki kain te botaki ni charismatic ae te Tabati imwin te Tutia n te umantabu.

I kokokaki n te wheel chair nakon te umantabu ibukin kainnanoan buokau mairoun te Uea. I karabwa lesu ae maiu ni koaua inanon te Eukari ba n te bong ae te Tabati 7 n Aokati 2012 are I a bubuti iai buokau n te charismatic are I a uotaki iai nakon te umantabu ae Santo Ioteba i Bikenibeu imuin te Tutia. Inanon te katokabai i aou ao e rotai te tangao e ruru nanou ma I rang karaba te Uea n ana tangira ba E a tia n ringai ni makan baina ao ni manga kateirakeai ba Nna nakonako nabi n te Moanibong 8 n Aokati 2012 ni karokoa te tai aei ao e tabe nabi n rikirake te marurung.

Boni banaau ni kaitau nakoia kain te charismatic i aon Bikenibeu ngke a tia ni butimaeai ni buokai nabi n aoraki ae taonai aei n aia tataro.

E raba te Uea n ana tangira.



***Nei Erena Noono, Nikunau***

Kam na mauri tariu ao maneu n ana tangira te Uea.

Ngai temanna are E kamaiuai te Uea man aorakiu n rokoia kain ana tiim ni charismatic i aon au abamakoro ae Nikunau. N te kamaiuai are e anganai e a anganai te tibanga ae moan te kakawaki ba Nna riki iai ba kawain ana rongorongo ae raioroi nakoimi ni kaotiotia ba te Uea are boni ngaia Moani baaii nako ao tokia ao te Arebwa ao te Omeka. Ko rabwa te Uea.

Arau bon Nei Erena ao aran kainnabau bon Ten Noono. Boni kain Nikunau ngaira ni kauoman ao aran ara kawa bon Nikumanu. Maitia natira bon niman. N rokon te tiim ni charismatic i abau ae Nikunau ao e a bon ueke rongorongona ngkai ti bon tuai rang ataa raoi te botaki aio. A moana butia iaon Nikunau ao a moanna man ara kawa ae Nikumanu are bon tabona mai maiaki. Boni iai te kawa i Maiaki riki ma are akea Katorika i aona ngaia are e a waaki raoi mai Nikumanu. A roko n te Kauabong 17th May ao a karaoa aia katiki ma Nei Maria n te bakataai. A maiti ake a raonia man te kawa ni katika Nei Maria. N te tairiki anne inanon tain te bomata ma ngaia ao a kabarabara aia waaki. Iai aia nebonebo ae na boo n te aoa 6am ao iai naba karkoan ana tangira te Uea irouia ake a kainnanoia imuina. Imuina ao a na buti i aan mwenga.

I a roko ma kain abau ni kaea te nebonebo n te karangaina anne ao a boni maiti naba ake a roko ni kaea. A bon kaira te waaki aio kain te tiim ake a roko. Utimawa e kaira te nebonebo ao Nei Meeta e kaira te katoki aoraki. N te kauoua ni makoro ao a bane ni kakerakeaki aoraki. Ngai ngke e moani bo te nebonebo ao e kammii nanou ba kanga l nanokawaki ao l nibara aingaia are l a bon tang naba. Inanon tain te katoi aoraki ao l a keerake ba te aoraki ma l keiaki ba aiaron ae e rang mamara nanou. Birotou e a kibe kanga e toubekaki ao e maraki. Kain te tiim temanna Nei Katarina are ana noraba n te tai ni katoi aoraki e nora te tamnei ae buakaka ae te ataei ae uarereke ae mena imatan te aoraki (tobia) are boni ngai. E a bon keerake naba te aine aio ni buriti baai mai matau ao e karenakoa teniuia te tai ana tai ni karaoa aei. I kokoaua naba ae iai te bai ae kounako mairou. I mimi ba kanga l a bon namakina naba te bebete ao e raraba te Uea n ana tangira. Ngke ti a otinako man te Umantabu ao e a bateteaki te maneaba are e a waakinaki iai te tibatiba. E a bon tibaa ana noraba Nei Katarina are e anganna te Uea ao ngai man te tai anne imwin te tibatiba ao l a butia Nei Maria ae tinara ao l tuanga ba iai au tia riring irouia natiu ake aman (4) ao ioun natiu aei ae au kaniman (5), I a butia iai Nei Maria ba e na riki ba au tia riring ibukin are l nora ana kamaeu natina lesu ngke e kamarurungai.



**Leave Him**

Tokio aoraki e nora te tamnei ae buakaka ae te ataei ae uarereke ae mena imatan te aoraki (tobia) are boni ngai. E a bon keerake naba te aine aio ni buriti baai mai matau ao e karenakoa teniuia te tai ana tai ni karaoa aei. I kokoaua naba ae iai te bai ae kounako mairou. I mimi ba kanga l a bon namakina naba te bebete ao e raraba te Uea n ana tangira. Ngke ti a otinako man te Umantabu ao e a bateteaki te maneaba are e a waakinaki iai te tibatiba. E a bon tibaa ana noraba Nei Katarina are e anganna te Uea ao ngai man te tai anne imwin te tibatiba ao l a butia Nei Maria ae tinara ao l tuanga ba iai au tia riring irouia natiu ake aman (4) ao ioun natiu aei ae au kaniman (5), I a butia iai Nei Maria ba e na riki ba au tia riring ibukin are l nora ana kamaeu natina lesu ngke e kamarurungai.

I bung n Okitoba 2011 ao l karaba Nei Maria tinara ba e a tia n ongo au bubuti nakoina are e na riki ba au tia tobi ke au tia riring. E tokanikai Nei Maria tinara ikai ba a taenikai Neeti ni bungiu ba e aki kona n nako te aomata ke l aki kona ni bung. Ma ngke e tinako baanan te neeti ba e tuangai ba nnang bon ngira n aki akaka are nanona ba e aki kona ni kabungai, ao n te tai anne l a tuanga tinara Nei Maria, ke ni maroro mangaia ao e aki kabane tai ba l a maraki naba ni bung. E a tokanikai ikai lesu ma tinana ba a bon kabungai ae l bon ataia. Natiu te mane ao arana Kaereti (Charis) ao ai onoua (6) ana namakaina ngkai. Uabong ana bong natiu i aon te aba ao e toka arana ae Ten Tekiau, ana aara tamau. Tairikina ao a roko riaboro irou ba a nang anaa aia aomata are arana Tekiau ma e tekeraoi natiu aio iroun Nei Maria are l kakatekateka i etan atuna ba e a un ma riaboro aikai. N tokin booria are nanona e tei Nei Maria ibukiu ma natiu ao l a kabaka aran natiu nakon Kaereti (Charis) ni ingoana iai aran te botaki aio.

I rang marurung ma natiu ae Charis ao e raba lesu n ana tangira ae kororaoi.

**E RABA TE UEA ALLELUIA.**

***Rairakin Timan T Kaiteie nakon te Katorika***

Ti karaba te Uea ioun temanna tarira ao manera ae a tia n anganira inanon ara charismatic ba e na kakorakora aron waaki ni kona ni makuria ao ni kabuta ana Tangira nakoia tarira ma manera iaoni Kiritimati. Teuae bon Timan T Kaiteie are e tiba rairaki naba nakon te Aro ni Katorika tabeua te namakaina nako. E a riki ngkai ba ngaia te tia kammakura ara aobiti, riki ibukin karoan birim ao booki ibukin te botaki.

Buun teuae Kaiteie bon kain ara Charismatic ao ngaia bon te KPC ae matoamatoa. Ma inanon te tai ae maan ngke e a moan roroko birim te aro n ana auti ao e a manga bon butiaki ioun ana uncle ae bon kain naba te Charismatic ba e na kabarabara te tamnei nakon te taetae ni Kiribati ao mai ikanne are e a nora naba taekan te bai ae e nang bobuaka ni iango iai ma te Katorika i aon te Benetenia ao teuare e kabarabara bon te Boretentanti ae Alex Jones. Imuin ana kautaba ma Alex ao e tuo 2 Bible ni imatang ao n tua naba te




*"...mai ikanne are e a  
nora naba taekan te bai  
ae e nang bobuaka ni  
iango iai ma te  
Katorika"*





Baibara ni Katorika ni Kiribati ao e a kunea ae bon titeboraoi kanoan Baibara aikai. E a kunea ae ngaia e a bon kaokoro ba ma te Baibara ni Kamatu i Kiirbati. E a bon tuanga naba buuna ba "nakon te Tabati ao N nang nako n Tutia nte Katorika ao man te tai anne are I a Katorika naba iai".



E nang raba te Uea ibukin ana tangira nakon tarira ao manera aio.

Tabu ke toan te Eukari n te ririki aio n te Tabati ae 10 Tun, ao e a kanikinaea te Uea tokin tabera ae kakawaki ibukia natira ba e a moani komunio iai ara bina n nati ae Rataro. Are nanona ba e a bon ikawai ngkai ni kona ni kammarakea i bon irouna inanon te komunio.

Ti reitira ma ngkami tarira manera ni



#### **Ana moan komunio natira ae Rataro Uriam ao Atuna, St Padre Pio, Suva**

Kam na bane mauri tarira ao manera n ana Tangira te Uea. Ti reitira ma ngkami ni karaba te Uea n tibangara aika kakaokoro ao n ana buoka ae aki toki n anganganira ba ti ni konai ni karaoi tabera aika E muokoira iai.


Inanon ara utu ma natira aika tengaun maitia ao bon teuana tibangara ae anganira te Uea ibukia natira ba ti na kakaonoia ni katonga lesu inanon ara tai ni komunio. N taai nako ngkana ti oki ni komunio ao ti bae n anganira natira baira ba a na neweia n ara koaua are a bon kona naba iai ni katonga Iesu. Ti uringa ara katei ni komunio aio ba e moanaki man te ririki 1984 ke 1985 ngke a tiba tabe n ikawai ara moan nati aika uoman (aua nakon nimaua te ririki). Ni kakaaroan aio ao iai te bai ae anganira te Atua ba kakawakin tabera ibukia natira ba a na kina ao n tatangira te Uea inanon maiuia. Te bai riki ae angnira te Uea bon noran kananoangaia natira ngkana e bua maioura te bai are ti angangania are bon lesu are ti katonga inanon te komunio. E riki te nano aio ba te tabeianga iroura ngkana arona ba ti na aki komunio ao aio are e anganira naba te kan kekeiaki ba ti na kataia ni kateimatoa reken tibangaia natira ni kataia n aki kabaka ara komunio. Tariu ao maneu e koaua ae bon iai taai tabetai ae aki koro iai bukin muokoara aio ma te bai ae kamimi ba e tiku n taai nako ba tabeaiangara ao kaungakira ba e na aki baka ar komunio.

Ti karaba te Uea ba inanon te maan ae riaon 30 te ririki ao E a tia ni buokira te Uea ba ti na kekeiaki ni kakaonoia natira, (mairoun te karimoa nakon te bina), n ara komunio n anganira baira ba a na newei ni katonga iai Iesu. Ti ataia naba ba tokin tabera aio boni ngkana a bane n tia ni moani komunio natira ni kabane. N toan Rabatan ao Raran Iesu Kristo ae moan te

kabara te Uea n ana kakawakin ae teimatoa n taai nako ao ti uaia ni bubutia te Atua ana karia ba ti na kakaonimaki ni karaoa tabera ae kakawaki ibukia natira n angangania maiu te Atua are inanora. Ti ataia ba e na bon akea te maiu ae ti kona n anganira natira ngkana akea maiu te Atua iroura. Ti na butia St Maria ao St Ioteba ba a na tataro i bukira ba ti na kona naba ngaira ni kawakina ao ni karikirakea ara utu aika tabu inanon tararuan kainnanoia n rabataia ao ai moarara riki kainnanoia n tamneia.

#### **Ara katekeraoi nakoia ara Tama ao ara taani Katabu n Rikan**

Ti uringia ara Tama ake a tia n tokara te ririki ae kakawaki inanon nakoia ni Berebitero. Ara katekeraoi nakon te Tama Ikataere n ana ka-40 n ririki n riki ba te Berebitero inanon Tebetemba ao te Tama Koru n ana ka-25 n ririki ni Berebitero inanon Tun te ririki aio. Ti karabaa n aia beku ibukin ara



Ekaretaio ibukin ara botaki ni charismatic. Ti anga naba ara katekeraoi nakon te Tama Taremon mai Rabi are katabuaki ba te Berebitero inanon Aokati te ririki aio.

Bon ara katekeraoi naba nakoia Akorita Teebanako Savili ao Kenny Katia ake a nang katabu nakon te nakoia n Rikan i Kiritimati inanon Nobembia n te ririki aio.

Ti a reitira ni boutokaia ara mitinare, riki ara Tama n ara tataro ao n reitakira ae tamaroa ma ngaia. Ti a bubutia naba te Uea ana buka ao ana kakawakin nakoia ara ataeinimane ao ataeinaine ake a kan kaburei maiuia Ibukina ba a kakoroaki bukin aia kantaninga.

### Tamnei tabeua n ana waaki te Charismatic iaon Tarawa



Kawarakia kaain St Mikaere Charismatic Group, IHC Taborio, North Tarawa, irouia kaain te NSC ni karaoa te tataro ni Kainaomatan te Tamnei Ae Raioiroi irouia 8 kaaina (ataein te reirei) ake a bane aia kooti. E nooraki naba aron marurungin aia kurubu ataei aikai, E raba Te Uea ibukin aia tia kairiri



Te Tutia are e karaoria Fr Koru, nte Umantabu i Teaoraereket ibukin butimaean te Ririkiin te Onimaki are e a tia ni  
baireia Tamara te Bobe ba e na moanaki man Okitoba 11, 2012  
ao n toki n Nobemba 2013.



E raba Te Uea, ibukin tibangaia kaain te  
Charismatic mai Betio nako Bikenibeu are a katauraoa kanoan te Tutia nte bong anne.  
Kaain Bikenibeu a karaoa te Taramo, kaain Teaoraereke a karaoa te ua-karea ao kaain Betio a karaoa te ua-boki.

E raba Te Uea, alleluia

*"Ti a reitira ni boutokaia ara mitinare"*



## Te Tataro ibukia ara Berebitero


Inanon  
ana tai ni kawara  
Cuba tamara te  
Bobe n te  
namakaina ae  
Mati n te ririki  
aio, ao e a reke  
ana tai ni kaitibo ma te Tina Teresa ae kain te  
utu n Tina ae Mitinaren ana Nanoanga te Atua.  
Inanon moan rinin te Tina Teresa n te utu aio ao  
e tuangaki ba e na rinea temanna te Tama ae na  
tataro ibukina inanon maiuna n tina. Inanon te  
maan ae 20 tabun te ririki ao e a tia ni kakaoni  
maki te Tina Teretia n tataro ibukin temanna te  
Tama ae e bon aki kina ba e tuai naba man no  
ria. Aio kanga bon aron kakoroan nanon te taeka  
ngkaoa ae kangai ba "ngkana ti kona n nanoanga  
temanna e ngae ngke ti aki kina, ao ngkana e  
kona n rotira marakin temanna, ao ti na bon  
kona ni kaan riki ma te bai ae kantaningaia lesu  
mairoura."

Ai kabaira te Tina Teretia ba te Tama  
are e a tia n tataro ibukira inanon 20 tabun te  
ririki are e aki kina, e a tiba kaitibo ma ngaia  
ngkai i abana ae

Cuba. Te Tama aio bon Joseph Ratzinger are boni  
ngaia ngkai tamara ae Tabu ae Bobe Benetito  
XVI.

Tariu ao maneu ai katekenanora aron  
te anganano aio ao ai materaoiora aron ana  
kekeiaki te Tina Teresa ba e a tia ni buoka te  
manna te Tama are bon iai tibangana ae moan  
te kakannato ibukin te Ekaretia. Ti bia katotonga  
naba maiun te Tina Teretia ao ni karekea ara  
motinnano ba ti na tataro ibukin temanna te  
Tama inanon maiura ni buokia ba e na teimatoa,

e na kakaonimaki ao  
e na kakorakoraki ni  
karaoa muiokoana ae  
moan te kakawaki  
ibukin te Atua ao ana  
botanaomata ae tabu.  
Ti kokoaua ba bon aio  
te bai ae a rangi ni  
kainnanoia ara tama  
mairoura- ara tataro  
ibukia ba a na  
teimatoa ao ni  
kakaonimaki ao a na katanaki man ana makuri  
ao ana kariri teaure buakaka.



*"Aio te tataro ni  
katooto nte taetae ni  
matang, are e bongana  
ibukia ara tama"*

### Prayer for Priests

O Jesus, Eternal High Priest, live in [name of priest], act in him, speak in and through him.

Think Thy thoughts in his mind, love through his heart.

Give him Thine Own dispositions and feelings. Teach, lead and guide him always.

Correct, enlighten and expand his thoughts and behavior.

Possess his soul; take over his entire personality and life.

Replace him with Thyself.

Incline him to constant adoration and thanksgiving; pray in and through him.

Let him live in Thee and keep him in this intimate union always.

O Mary, Immaculate Conception, Mother of Jesus and Mother of priests, pray and intercede for [name of Priest]. Amen